

rationis seu coctionis illius plura, quàm par est, faciamus excrementa.

In singulis coctionibus duo esse excrementa, tenue & crassum, alibi probatur. Hujus autem coctionis excrementum tenue cum sit de omnium consensu, bilis flava, in vesicâ felleâ collecta: quærendum est amplius, Quod sit crassum? Hoc jam iterum de omnium consensu nuncupatur Melancholia, quæ in liene stabulatur.

Verum enimverò, quàm notum est nomen ipsius: tam ignota est essentia ipsius, & generationis modus.

Ab hoc ut ordiar, volunt Galenici, existere in hepate, prorsus ut bilis, ex eodemq; hepate trahi à liene, prorsus ut bilis trahitur à vesicâ. Verum id jam refutatum est satis evidenter. Generatur itaque Melancholia in liene, postquam is chylum suum elaboravit, ut par erat.

De essentiâ interrogati iidem, ὁμοθυμαδὸν affirmant, Esse terram. Hoc negant, qui Hipp. sequi videri volunt, & multis hinc inde conquisitis argumentis, etiam ex praxi contendunt, Esse aquam.

Ne prolixus sim: utrique benè: utrique malè. Malè, quatenus singuli hoc unum & solum urgent: Benè, quatenus utrumq; con-